

NTIRHISO WA MINDLANDLAMUXO YA SWILERISO SWA XIBALO

Tshwane, 8 N'wendzamhala 2021 – SARS yi ta tivisa micinco eka tisisteme ta yona ku sukela hi ti1 Nyenyankulu 2022 ku sivela vahakelaxibalo lava amukelaka malinghena ku suka eka xihlovo xo tlula xin'we, naswona laha xin'we xa swihlovo leswi ku nga malinghena ku suka eka nkwama wa rhithayamente, laha va helelaka va ri na xikweleti lexikulu lexi faneleke ku hakeriwa SARS endzhaku ka nhlahluvo wa ntlheriso wa vona wa xibalo xa malinghena.

SARS yi lemuka leswaku xikweleti lexikulu xi nga sisimuka eku heleni ka lembe loko swihlovo hinkwaswo swa malinghena swi hlanganisiwa ku kota ku kumisisa malinghena leyi hakerisiwaka xibalo na xibalo lexi kolotiwaka.

Ku hlamula eka leswi, nawu lowu wa ha ku tivisiwaka sweswinyana wu endla swipimelo eka SARS ku kumisisa mpimo wa xibalo mayelana na ntholo lowu hlanganisiweke na/kumbe swihlovo swa phenxeni swa malinghena ya muhakelaxibalo. Mpimo wa xibalo wu seketeriwa hi switiviwa swa sweswinyana leswi SARS yi nga na swona naswona mpimo wu ta nyiketiwa eka valawuri va mikwama wa rithayamente eka swikongomelo swo khoma PAYE hi ku ya hi switiviwa.

Mpimo lowu wu endliwile wu va kona hi ku tirhisa e@syFile™ eka muthori naswona wu ta tirha ntsena eka vahakelaxibalo lava nga na muxaka wa malinghena ya rhithayamente. Sisiteme ya SARS PAYE yi pfumelela muhakelaxibalo ku kombela leswaku a hakerisiwa xibalo n'hweti na n'hweti eka mpimo wa le henhla leswaku xibalo xin'wana na xin'wana lexi kolotiwaka eku heleni ka lembe xi va xi angarheriwile. Hambiswiritano, a hi vahakelaxibalo hinkwavo lava welaka eka nkhetekanyo va tirhisaka nhlawulo lowu.

Khomixinara wa SARS Edward Kieswetter u vurile leswaku nhlango wu nyiketeriwile eka nyikeni ka nhlamuselo na ntiyisiso eka vahakelaxibalo mayelana na swiboho swa vona swa xinawu. SARS yi tlhela yi tinyiketela ku endla swi olova ku landzelerisa hi ku tirhisa micinco ya sisiteme yo fana na leyi.

Ku kuma vuxokoxoko byo hlaya, tihlanganise na Sarsmedia@sars.gov.za